

續金華叢書



東萊呂太史文集附錄卷第三

續金華叢書

祭文二

呂監倉子約

維淳熙八年歲次辛丑十月甲辰朔二十九日壬申弟祖儉謹以清酌庶羞之奠致祭于先兄直閣之靈哀哀吾兄少長相依拊育教誨義兼父師山摧石壓杳無端倪丹旒翩翩日月有時四海師友慟哭於斯哀哀吾兄知乎不知貴賤貧富壽夭得喪皆不可得而期亦不可得而私徬徨顧瞻復將何爲唯有萬事悉屏反築于茲朝夕乎几筵之側往來乎松楸之蹊以盡此情以寫此悲苟朝暮卽死稍有以見吾兄於地下不幸而苟活亦少有以慰吾兄九原之思英靈在天此心不欺凡我同門其聽此辭補其闕遺無使顛隳哀哀吾兄今將曷歸尙饗

會知縣德寬

維淳熙八年歲次辛丑九月戊戌朔表弟承務郎知平江府長洲縣

主管勸農公事兼主管運河隄岸曾卓謹以清酌庶羞之奠致祭于  
近故提宮大著直閣郎中表兄呂公之靈嗚呼士之生於斯世兮有  
貴賤之殊匹匪絕類而離倫兮則狃安於氣習彼藜藿之癯儒兮雅  
棲身於圭華矧坐思而行吟兮玩微言於方冊及一旦奮於青雲之  
上兮則脫塵埃而謝山澤若夫蟬聯之胄兮世襲燿于簪纓蓋鳩毒  
於宴安兮肆食肥而衣輕乃衣帶於韋布兮思卿雲而擬倫探游夏  
之淵源兮苦潛心於典墳罔不貫穿厭飫兮咀其華而擷其英自非  
間世而生兮爲吾道之權衡作主盟於善類兮大振起於斯文則彼  
之茂實英聲又安能如是之飛騰嗚呼東萊其斯人歟期不負於所  
學兮致吾君於唐虞俯拾魏科片言隻字士皆傳以爲楷模分茲亦  
公之緒餘暨教育於河汾兮爭負笈而奔趨凡策名天陛嶄然見頭  
角兮誰非經承指授摠衣趨隅之徒道旣峻而德窮兮膺冕旒之東  
知游東觀而石渠兮捨公居而誰宜擢論著於秘庭兮紬金匱而覃  
思當是時也搢紳先生兮莫不傾耳而聽咸謂天將究公之設施兮

其或在於斯俄微痾之朝奏兮力丐閑而暮歸猶冀日收藥石之效  
兮享康寧以龐眉何子鵬之飛來兮遽中道而奪之嗚呼哀哉生必  
有死兮如夜旦之推移公之云亡兮在吾黨爲可悲山頽梁壞兮哲  
人其萎昇公以生知之資兮而特嗇其壽賦公以經綸之學兮而不  
與其時而使夫識與不識兮徒道路之嗟咨福善禍淫之理不可測  
兮問諸天而可知棗親居中表義均良師幼而學兮幸朝夕之瞻依  
長而仕兮勤歲時之闊離公之愛我兮每手筆以箴規顧何以報公  
兮唯書紳而佩韋方訃音之遠來兮蓋失箸而驚疑洎消息之真傳  
兮不知涕泗之交頤嗚呼粹夷之容兮如在目前琢磨之訓兮猶在  
吾耳千古之不可見兮其道則存九原之不可作兮此別長已生芻  
之微兮姑寓夫哀挽之思翫骸不文兮烏足以形容德行之懿尙惟  
公之有知冀英靈之不昧尙饗

范縣丞伯崇

維淳熙八年歲次辛丑十二月辛丑朔從政郎南劍州元溪縣丞范



念德謹遣介以清酌庶羞之奠致祭于近故提宮直閣大著呂公之  
靈嗚呼有命自天理□□全既動於欲罔或不遷惟公之生氣稟渾  
厚湛□寡欲物莫我誘精明外發純粹內融篤敬勵行克□□□□  
□千古簡籍所記探蹟鉤隱涵養習次宏□□□□□無涯刪繁剔  
穢含英咀華作為文章其□□□□□及人風動邇遐青青子衿不  
遠千里負□□□□□□□□□□□□□□□□□□□□□□□□  
志鳴鶴在陰聲聞于天天子命召蘭省詳延意期大用遽以疾聞卷  
而懷之歸□林泉載離寒暑日臻藥喜如何不淑奄忽川逝哲人其  
萎舉國殄瘁嗚呼哀哉命也已矣俗薄道喪無甚茲時公與朱張鼎  
立扶持旣悼漢廣公復繼之後學俛俛將焉疇依念德夙昔登門與  
聞緒論音塵隔闊□益以遠高山仰止未幾再見誰謂參辰莫克遂  
願間訃伊邇職守拘縻慟哭寢門遠莫致之潢汙一奠侑以斐詞臨  
風告哀神其格思尙饗

呂仲平等

戴在伯撰

維淳熙八年歲次辛丑八月乙巳朔學生呂孝祥等謹以清酌庶羞  
之奠致祭于先生直閣郎中之靈嗚呼人生在三師教居一天地肇  
判斯義已立學必有師傳道實難豪釐之差流於異端先生之學蓋  
審其是泝而求之有源有委天資純明又生德門中原文獻生長見  
聞過江諸賢或仕或隱升其堂奧悉扣所繇退而講學歷搯窮探天  
人精祕事物本原幽無不燭細無不察道雖深造常若未達德成行  
尊乃淑諸人始于一鄉善誘循循聲聞四方學者雲集難疑答問握  
衣造室質有厚薄材有短長漸摩訓迪愚明柔強匪唯學徒潛悟默  
警凡過明庭心肅氣屏育材之樂若將終身出以行志仕非爲貧小  
試于朝儒宮學館職思其憂靡擇繁簡志則未遂疾疢乘之時論嗟  
惜扁舟東歸掃軌杜門與世疎闊左詩右書研究顛末人或言做  
精勞心孰知其志欲詔來今嗚呼山林鐘鼎卒亦非我寂寥澹泊云  
胡不可謂將歸休著書立言庶裨後學可披本根如何昊天亦奪此  
志絕筆太初大事是記貌是諸生受教實深施等丘山報未豪分豈

謂一朝終天永訣相顧悲摧清淚成血音容未遠儼如在堂矢心以  
辭敬薦此觴誨言在耳實同佩服尙期宅年師門不辱尙饗

又

維淳熙八年歲次辛丑十一月初三日乙亥東萊呂先生葬于婺州  
武義縣之明招山前一月二十七日庚午學生呂孝祥等謹以薄奠  
敬祭于先生之靈嗚呼哀哉天下之善殊塗同歸不有達人孰知其  
倪有事于大不精於思脫略牴牾道烏乎資有研于微或流於私蔽  
於不通終身不知較量二者其是其非惟吾先生罔偏於斯體大無  
倫莫測其涯精思無間不見其疵視古作者并包無遺步武之寬不  
失其馳心之所立恢張其基力之所及罔虧毫釐遏密暉曜妥帖無  
危匪矜匪盈以虛自持施之於人不驚不疑有叩于我傾倒吾卮青  
燈夜話伶騶顛披弟子進言毋傷于辭曰我樂此不知其疲凡是倦  
倦匪云有宅廣淑諸人不私于己人或可言莫之敢鄙補苴芟夷俯  
就其器覲望有成何啻於子父之於子曷云其已先生於人厥功大

矣嗟嗟此理自古而然先生之死我又何言言兮于耳行兮於心昔也升堂每見其人冷也則亡傷如之何悠悠蒼天負恨何多嗚呼哀哉尙饗

又

維淳熙九年歲次壬寅七月初一日己巳朔二十九日丁酉學生呂孝祥謹以清酌庶羞之奠敬祭于故先生直閣郎中呂公之靈嗚呼哀哉日月不居小祥奄至夫源深者澤遠德厚者流光去德人兮未久道若闇而日彰曾日月之幾何乃于人而遽忘如百尋之巨木生巍峩之高岡飽風霜以自固抱純和不傷忽一旦之暴折宜膏流而液洋縱斧斤之相尋及於人而固廣幸吾黨之及此況握衣而升堂既歲月之未久沃清酎於煩腸忽後日之有感自昔時之激昂發舊聞於新知知在人而未亡昔先生之深慨望良朋兮不生慕子產之自咎謝申徒而有明雖夕死之可矣言不改於尋常推孔明之用心歎人知之未嘗念夫人之進德思已過之不遑彼死生之雖大在



所守之彌剛痛音容而逾遠味其言而逾長諒有志而於此豈存亡  
而變更顧以今而念昔得不於心而悲愴想神兮尙存庶來歆於一  
觴嗚呼哀哉尙饗

高元晦等

洪求  
仲撰

維淳熙八年歲次辛丑八月某朔某日學生高觀謹以清酌庶羞之  
奠祭于東萊先生之靈嗚呼百世一賢有若比肩聖宋邇隆將二百  
年吾道未窮公生其間瀆排異端研究大學志慕前修手援後覺行  
世仰止文世師之晚進俛俛如客得歸彼怪于文鏤鑄出奇公文渾  
然不事剗削彼險於行內阻外夷公行粹然表裏不欺天以全德畀  
付我公無一點滌由初迄終公之純誠自頂至踵一毫之偽未去猶  
恐公之嗜學雖病猶篤屈指歷數唯公也獨分教嚴陵言采其芹士  
子四來匪直嚴人鳴道上庠諸儒霧集得公片言楮藏十襲校書天  
祿兼官南宮人爲公榮公無矜容文鑑之編選選精明明天子錫  
時嘉名大事之記有源有委匪襲馬遷曰續左氏公所停蓄百不施

一其蓄河江其出涓滴曷云其萎慙遺則弗某等賦性顛蒙曠曠莫  
開荷公提耳蟄以驚雷戴德莫酬拊心永哀凡今之人賤日貴耳後  
百千年公愈尊矣家有公文人誦公德麗澤之名終天不沒豈若湛  
輩草亡木卒昔拜而問今拜而哭泫然心盡如刃之觸尚饗

江必東等

維淳熙八年歲次辛丑九月甲戌朔初二日乙亥學生江注盧琰吳  
儀鳳王抑方自牧謹以清酌庶羞之奠敬祭于先生直閣郎中之靈  
嗚呼先生之於學者其道如春陽之及萬物方欣欣以嚮榮亦氤氳  
而吐芬蓋將歛其華而苞其實以爲斯世之用也夫何不仁一旦而  
奪之哉嗚呼其莫我祐矣夫斯文其將遂喪矣兮何其禍之至于此  
極也且道之不明有自來矣高者激亢而不入於事宜下者抑詭而  
不臻於理義是以一身未知其端則固無淑人之功日用莫得其要  
則豈有濟世之理惟先生生而醇和不爲過人之名學而粹美實有  
可施之效發之中而上下無不該置之平而小大靡不盡故教人而

人易從感人而人易信及其臨宜制變則毅然有不可犯之威當可  
而動則奮然有莫可易之節測之而益深迫之而益裕者此則人所  
不可及也斯誠當代之真儒有國之王佐矣人之望於先生者何如  
哉今進未能極其施退未能形諸言俄焉至此豈天之不欲生斯人  
也邪嗚呼爲諸生者宜如何哉汪等被先生之教既久及聞訃音力  
不能預於易簣奔走道途冤誅無所撫柩而號陳辭以誄嗚呼尙饗

鄭唐卿等

維淳熙八年歲次辛丑十一月三日明道直閣禮部東萊呂先生葬  
于婺州武義縣來蘇鄉前一日甲戌是鄉受教之士鄭良臣逸登發  
王綸乃陳清酌庶羞之奠再拜頓首敢昭告于先生之靈嗚呼謂天  
生先生其無意耶則光明碩大之德卓犖宏偉之材天下以爲宗主  
朝廷以爲國器謂天生先生其必有意耶則予之以生知之質而壽  
不究於中年賦之以開濟之業而志不施於萬一是則蒼蒼者固不  
可詰而盛衰消長之理先生平日之所素達而學士大夫於焉痛惜

者蓋斯文將喪而民之無祿也先生之學道統正傳精粗本末渾然大全發明經旨默契昔賢諸老先生咸謂莫先先生之文遠追大雅二典三謨肯隨班馬垂光簡編燦如星夜當代一人孰繼其下先生教人化如時雨務在躬行匪專章句有來媚學隨扣卽吐高明矜飭愚柔警悟先生在朝匪躬盡瘁愛君憂國位則有制申許勳業青氈盍繼帝將用焉風淫爲祟嗚呼先生平生曷其沒矣木壞山頽見無日矣後生小子將安述矣愍遺之嘆誰其卹矣良臣等于今四世膺門獲登惟二三之小子實教誨之大恩奄一夕而莫追痛涕泗之橫零遽轎車之夙駕想英靈以如生阮君之屐增千載之令名虎谿之水流多士之哭聲幸松楸之焉依尙築室以躬耕誓子孫之相傳以毋替乎厥心尙饗

鞏叔子

鞏仲至撰

維淳熙八年歲次辛丑十一月癸酉朔初二日甲戌門人鞏峴同弟豐嶸謹用香幣清酌之奠昭告于明道直閣郎中先生之靈吁嗟先



生問學之粹允蹈古先源委洞澈聿觀厥全挺然山立續已斷絃世  
無孔顏孰知其賢文章之卓旋端轉倪有正有奇有峻有夷開闢縱  
閉握其樞機世無韓杜孰窺其涯先生之識之才之美傳經之餘大  
事廣記始筆于周具著倫紀世無子長孰迹其軌先生之書本詔後  
覺彼姝者子牢緘固鑰室邇人遐終籍糟粕世無侯芭孰抱其璞兼  
是眾有靡矜寸長如玉在櫝抑鬱韞藏發於持滿道則大光帝曰汝  
來國之貞良再入東觀轉對文石造膝陳謨古之遺直將昌其言以  
厲百辟豈伊郎潛冊府是職志未克究末疾附體善類所期勿藥有  
喜廢卧里閭乃謝當世培漑松菊日有幽致嗚呼哀哉七月癸卯人  
之憫凶天不可問遽殞宗工疾不嘖呻曾不斂容樂天知命恬以正  
終吁嗟先生道有隱顯茹古涵今隨寓則見其在東南戶外屢滿授  
業于門分魯之半封殖後學如苗之秧爲洗蒙蔽觀我堵墻自昔聖  
賢未有不亡後得所付庸復何傷李氏孝友尙克繼之言念先業警  
戒自持經紀窆事罔稽于時哀稱其服行路所悲矧惟峴等幼侍几

馬飲食教誨愛鈞子姪父師之義有死無易庶幾夙夜毋墜所獲明  
招南麓先壘是祔野牧山樵知敬此墓霜風淒淒丹旒斯舉悲來填  
膺涕泗如雨嗚呼哀哉尙饗

丁少瞻

維淳熙八年歲次辛丑十月甲辰朔二十九日壬申學生兩浙轉運  
司進士丁希亮謹以清酌之奠敢昭告于近故宮使直閣大著郎中  
先生之靈嗚呼混百川而爲一者則見江海包萬類之不齊者始爲  
天地在人物而合德迺古今之間氣孔孟之道旣千載湮沒而不明  
伊洛之學又一時興起而未備非特與俗而多迂雖欲救時而莫濟  
盛哉先生出乎斯世皇帝王霸之道無所不明其旨隱顯小大之書  
無所不攬其粹以是爲天下之師總學者之會英偉奇傑之士則與  
論明統而正極篤厚謹信之士則與論正心而誠意好古慕遠之士  
則與論制度紀綱尙文茹華之士則與論言語文字以致隱逸之徒  
進取之輩莫不因其質以指其歸勉其修以成其志解毀方以爲圓

匪持鑿以投柄是故合席而議者不止一事而足負箠以從者不遠千里而至迺知教育之甚廣容受之甚大若迂而不切者雖不免季路之疑然明而難掩者亦何傷武叔之毀譬如泛溪澗以自得固不知浩渺之表滋雨露以苟生孰能出範圍之外嗚呼旣生斯人宜有其位方上意之所嚮奈病起於俄忽徒人望之所歸止年踰於強仕然則盛衰之數果不易知生死之理竟復何謂所以聞訃之日不問賢愚使默者發嗟而剛者有淚當善類之失依惟私心而獨慰孰謂先生之道竟窮我謂先生之道未墜昔元齡魏徵所以佐成貞觀之治者雖未足道凡平日往來講貫於河汾者豈無所自雖前後之事不同而公平之議有是何悼古以傷今可長吁而太喟希亮登門雖後辱教無媿自高之失則戒之以謙下自喜之過則勉之以韜晦從斯言之一發爲終身之所佩念遺墨之尙新忍終天而永棄竟使夫三月之約而變以一觴之醉攀號莫及意失心悸尙饗

趙提刑景明

維淳熙八年歲次辛丑九月甲戌朔十七日庚寅門人朝奉郎權發  
遣江南東路提點刑獄公事趙燁謹以清酌庶羞之奠致祭于歿故  
宮使直閣郎中先生之靈嗚呼聖門榛蕪踰千百年爰自伊洛道學  
始傳士識所宗斗柄揭天唱高和希幾若墜淵先生後來拱手直前  
獨抱遺書潛幽極研號於四方與相周旋曰吾此心可爲聖賢惟聖  
覺知居民之先有隆有汙有醜有妍裁之使中不倚一偏四方朋來  
猶蟻趨羶鑽之仰之慕其高堅少施緒餘科第聯翩學博詞宏春容  
大篇寘之成均譽流塞川道家蓬萊選稱列僊尙書郎曹應於星躔  
英才盍簪往造其聯汗之簡青握之蘭荃帝念斯文浩若雲煙略穢  
集清使以類編書成歎嘉寵褒亦專譬彼鷗鵬謂當騰騫紫樞黃閣  
萬類陶甄否則法從翰苑經筵胡諗以疾去國莫牽華閣眞祠壽弗  
少延豈道之窮而命之遭善人云亡相視涕漣燁昔從公成章斐然  
泥彼糟粕以求蹄筌微發其覆奚覩大全一別範模歲月屢遷大江  
之東憲絃拘纏計來莫奔省躬有愆千里致哀肅此豆籩師資之義



敢不勉旃尙其遺誨服膺拳拳靈兮有知鑒此誠虔嗚呼哀哉伏惟  
尙饗

邵元通

維淳熙八年歲次辛丑八月乙巳朔初六日庚戌門人邵津謹以清  
酌庶羞之奠致祭于直閣郎中先生呂公之靈嗚呼道貫古今必有  
其傳其傳實難繫自于天大責攸付抱負罔偏行存乎人卽賢傳賢  
其統至一出處後先爰及我公生固挺然家世典刑有委有源上考  
大統匪間歲年師友見聞展轉究研不敢自己久而益堅謂道之大  
包涵無外百聖所關必有其會萬世所存是倚是賴循環既往爭盟  
爲最木鐸音息異端肆害義利殊轍治道益戾正邪之差消長否泰  
桔槔誇功膏澤不需珍羞爲常稻粱乃糲公力明之毫釐不貸大本  
之彰付網於綱性命之微精一混茫六藝之奧手調宮商諸子百家  
亦總其長歷代之紀變化興亡皇朝治體列后垂光剛柔斟酌闡闢  
弛張公悉淹貫渾渾洋洋由迹會心中于四旁當代著龜有卜必償

金華葛爾摳衣駢累公闡其秘的示要旨在荆棘中坦途方軌昨燕  
今夷本亡彼此道廣求眾四方至止應如撞鍾虛實自揣大如鑪鞴  
陶仁於鄙委曲成就落華絢綺士無智愚淺深溱洧昔慨聚散忽隔  
生死公心常虛接物罔拘名塞天壤冲焉靡居劾已嚴切外恕以舒  
根諸篤實聞風自孚凡進而見退各自娛今其亡矣誰則不吁公之  
燕閒天樂于于無忝可懲復智於愚是壽考原戕賊則無疾胡攻之  
而乃遽徂惟公之位從容一致其居芸閣校讐盡瘁德容在朝物物  
春意言之温温寶博其利迨天子知斯疾已崇歸來拂榻初志或遂  
於名教功厥報宜備祿之攸萃豐也何愧匪豐而薄袖手不試是亦  
弗享云胡不喟自公之歸愈窮希微雖不諄告大義孔推長編巨帙  
成我矩規要功悠遠意固可知十纜一二胡公遽遺公處死生晝夜  
自移全而歸之曾何增虧後學何望吾道孰尸公堂忍升公書忍披  
嗚呼痛哉言與淚離嗟我蠢魯寂寥聞睹束書四方厯于荆楚堂堂  
南軒設教彼土亦殿函丈沐以膏雨歸來見公幸哉無拒辭色降接

親訪逆旅已而兼收列弟子位欲濟其偏亦謂可語惜也貧累匏繫  
旁午聽教雖希檢身是主忽哭南軒湘江淚痕所可自慰幸哉猶存  
期諸終身畢志公門事乃至斯反覆究論譬彼巨木幾年本根陰莖  
延茂蟠卧蜿蜒一旦摧折雪霜歲寒於亡念有秋風雲昏回思拜公  
二十寒暄其間可恨欲吐還吞天之盈縮生豈無屬公之至獨髣髴  
可卜澤兮及民豈曰不欲病孰使之此理公熟書復斷章憾豈竟蓄  
公之儀刑儼然在日日月經天不泯其矚所以不泯誨音猶續庶幾  
龜勉公門不辱奈以告哀哀餘不哭尙享

吳縣丞季益

維淳熙八年歲次辛丑九月甲戌朔十八日辛卯學生從政郎平江  
府吳縣丞吳友聞謹以清酌庶羞之奠致祭于故大著直閣郎中先  
生呂公之靈嗚呼賢不徒生天必有意將大振於斯文以均福於善  
類故鍾以至粹之質而遂其欲爲之志何天於公厥理或異旣厚其  
資復培其基度量江河之渾渾德名山嶽之巍巍志剛健而不息善

聞見而弗違斥異端邪說之害正惟往行前言之是師趣不局於卑  
近學必究其指要採摭羣史而會其體統研窮六義而闡其幽奧涵  
泳道義雖簞食陋巷不能改其樂雍容進退雖榮名貴勢不以易其  
操凡見諸踐履之實默蘊乎經綸之妙後生自賢正學不傳樂於善  
誘隨其所偏發聖緼之精粹示古人之純全吾道賴以主盟澆習爲  
之變遷入官學宮爲師儒式進典史事直褒貶筆崇論竝議長慮遠  
識羣公碩德就問解惑土方待其獻替眾正望其設施忽疾疢之交  
攻幸氣體之未衰庶志行而道伸迺梁壤而山頽則世所以生斯賢  
者意果何在而天所以厚其資者事何可期仰蒼蒼而致詰會冥冥  
而莫知嗚呼哀哉公竟已矣百聖之祕孰發其旨羣籍之訛孰訂其  
是正本大原孰會其紀晚進後出孰提其耳斯文將何所屬善類將  
何所俟嗚呼哀哉公竟已矣友聞孰經歲久聞教日新顧鄙夫之空  
空佩誨語之諄諄思搢衣而卒業迫奉檄而爲親違警欬而未幾條  
訃音之駭聞嗇天年而弗予何造物之不仁屬蒞官之有守悵哭柩



以無因惟隕淚以如寫豈減詞之可云尙饗

杜伯高

維淳熙八年歲次辛丑某月某日門人杜旗謹以清酌庶羞之奠敬祭于直閣大著郎中先生呂公之靈嗚呼道出於天匪人孰尸人傳斯道天顧柅之昔孔聖之有作惟顏淵其與徒睠彼命之不脩亦惟天之喪予蓋斯人之既亡而一貫之道始屬於參乎參之所傳由伋暨軻中庸仁義流爲一波自軻之死孰探其原豈無諸儒攻析鑽研或攫其粗而據其偏顧所擇之未精則亦莫與於斯傳惟我皇宋道盛生賢瞻彼洛矣斯文蔚然興起未幾而復墜顛是非紛綸莫或控案其勝復盛衰雖出於人而或者其天也後生晚出孰師孰承各守其迷而銜其能至是而先生之輩興焉先生資質渾龐瑰偉譬彼良玉德具眾美問其師友窮極淵源問其世家儒風百年六經之旨有顯有微先生究之刃解斧斯百家之書或正或奇先生總之錄瑜棄玼三綱之懿庶物之情大無不察小無不明操履之醇文章之粹厥

實既充厥華自肆蓋凡往昔絕傳之道前輩僅存之學縣縣延延厄  
塞而不通者皆有以咀其英華而涉其浩博矣嬰疾而歸三年于茲  
幸節宣之詞適而光明之緝熙方將挹諸儒之說以折六經之同異  
掇羣史之要以存百代之與衰皆斯道之所繫而將來之所資帳規  
圖之未就歟星隕而山隳嗚呼謂天愛道先生曷生亦既克生胡嗇  
其齡自昔聖賢身雖泯滅而傳授之有人則其亡也未始不存今先  
生學方至道而從遊者蓋鮮及門忽焉長逝其學與身俱往將何自  
以追尋豈不惜哉豈不痛哉嗚呼死生與廢惟命與時豈敢怨天先  
生有知尙饗

石教授應之

維淳熙八年某月某日門人迪功郎新無爲軍軍學教授石宗昭謹  
以清酌庶羞祭于直閣郎中先生之靈不肖無狀得附在弟子之列  
八年于茲墮於氣習之偏局於聞見之近沒溺於習染之舊負先生  
之教益多唯是宗昭昔者從事於場屋自應覓官之外無它志念晚

從四方之師游一時見聞稍稍變易而氣薄不任已竊有自喜之心  
向非先生哀其愚而拯之察其可教而辨之明誨之詳也則石火電  
光安知其不自以爲是管見蠡測安知其不自以爲足邪自今觀之  
無能改於其舊而自知其不才久而益明委心於師友之間久而益  
信由是而往以天下之身受天下之教庶幾其有分寸之進者則惟  
无生之教之賜不敢忘也今年夏拜先生於家越四十有八日而後  
別所以剝落擴控者益厲使知其中之實無有而凡是區區者之不  
足恃賴所以獎勸扶掖之者益切使知天下之義理雖無窮而屏浮  
就實循序歷階則自可以漸而至所以提挈而益勵之者益遠使知  
古人之所以見於世大氏度越倫等不沒於凡近而吾之規摹已陋  
步武已狹則安能相望於庶幾若是者懔懔乎其有加疊疊乎其不  
倦至於肯綮之曾盤錯之所蓋有愚鈍之所未喻意解之所不及者  
矣而先生反覆開諭旁通而曲引連日夜之不休苟不至於理順冰  
釋則先生之意固未慊也嗚呼我生獨何幸而得此哉此而自棄是

眞非人類矣秋冬之交將束書以繼請而是月子約書來先生又賜之手札曰冬初歸越必踐見過之約索居殊鮮漸磨之益日以爲望也後六七日而先生之訃遂至嗚呼其言然邪向者之別期以數月而遂終此天邪六七日之前之書墨猶未乾而遽至干大故邪然官自念比歲以來世之先生長者零落殆盡況吾先生取數已多造物者肯久見捨乎獨謂病廢之後已無預於斯世矣勉藥強飯聊以不死耳若是而延之數年豈不可得而亦竟奪之是獨何哉茲豈非學者之不幸歟諸生之淺薄固當得此歟如宗昭之不肖無狀亦將終是而止歟嗚呼凡先生之所欲言教而未及宗昭之所願學而未遂者繼自今皆已矣如此尙何言哉雖然以先生之在亡爲勤惰而無得於已取辦於師門而不公天下而往求焉亦非先生之所教也是則不敢不勉矣一奠見誠且以敘胷中之所欲言心緒憤憤不復文理惟先生鑒之尙饗

俞司戶德載



維淳熙八年歲次辛丑十一月初三日乙亥東萊先生呂公葬于婺  
州武義縣之明招山前月二十八日辛未門人迪公郎新太平州住  
戶參軍俞厚謹以薄奠敬祭于先生之靈嗚呼自周失其政魯失其  
師大本浸遠小道爭馳智士仁人莫知所爲才高識短學博志卑秦  
漢以下智數之持間有作者舉世非疑關洛程張千載一時大周天  
地細窮臺釐溥博淵泉時措之宜日月方升雨雪其滂我思古人禹  
迹茫茫在溫之涘在衡之陽在江之東在閩之傍六七君子邦家之  
光於是先生晦明溫良追配前休九疇三綱江含海育密知自強乾  
健巽風迭運其常人謂先生自明日用尙隔民事難喜康共誰知先  
生行獨孚眾權衡萬物大小輕重舉切吾體痒痲疾痛由魯之道反  
周之政遯世不知亦安之命起之師儒登之蓬瀛將復大雅鴻漸于  
征天子日嘉以德斯世僉日宜哉忽以病廢猶力自扶歸淑其徒大  
明王道以究厥初乾之初九復之六二春秋不作大事有記嗚呼三  
四年間氣脉頓薄海內師友相繼殞落環視仰瞻孰嗣其傳痛之至

者言不能宣尙饗

陳司戶膚仲

淳熙八年十一月三日乙亥葬我東萊先生明道直閣禮部呂公前  
三日壬申是爲十月之晦門人迪功郎陳孔碩哭奠於柩前而告以  
文曰嗚呼伊哲人之云亡兮吾將誰尤乎天天茫乎其不可以  
問而求也將尤乎人人亦何辜而罹此閔憂也抑吾道之當厄其世  
運之未休也不然溫乎之春何一變而爲淒然之秋也先生之學積  
於成己而見於成物故措諸身而甚安施諸人而無拂先生之識致  
詳於其粗而超詣於其精故委曲乎洒掃進退而昭灼乎鬼神死生  
先生之理義不遺於其小而不讐於其大故能充宇宙而無所歉入  
芒忽而無所礙先生之術業淵源於古而參稽於今故能遠接千歲  
之意而近愜斯人之心覲其容莊而舒可親而不可疎聽其言約而  
公可釋而不可窮置思慮於平夷不偏倚于一曲彼狂猥其來卽亦  
海涵而春育嗚呼今其已矣孔碩枵然無有最後登門先生胡取尤

我倦倦始與我之太過方跬步而欲前俄責我之太重覺措足其實  
難以先生重厚之質尙時有不足之歎如孔碩之頑然而薄其何以  
醜先生之言尙同志之推挽不負公於九泉嗚呼尙饗

王子合

維淳熙九年歲次壬寅三月辛未朔二十有一日辛卯學生持服王  
遇謹以香茶酒果致祭于大著郎中直閣呂公先生之靈嗚呼孔孟  
既遠諸儒說鈴荀楊未醇誰其善鳴聖學不傳千載晦冥粵有程子  
自任以興抽發祕奧昭若日星斯文在是學者宗盟厥後傳聞微失  
其真恍惚險怪蕩而無徵出入異端是非相乘先生病之苦思潛精  
友一二公講學辨明搜剔指要訛言是懲知聖可學非由躐升猗歟  
大哉有功於程上追洙泗脈絡相承一世觀瞻以爲重輕夫何凶問  
遽及柴荆嗚呼哀哉載惟先生二五之會渾然天成不事矯揉左規  
右繩人所難克如水東傾人所忽易如器執盈德量海納神宇淵停  
陽春之和高秋之清允矣君子真哉其人天不憖遺奄忽徂征人無

智愚痛恨失聲未惟小子師門夙登方在荼毒義激襟靈爲位而哭  
豈其私情聊陳薄奠以薦微誠尙饗

邵主簿德醇

維淳熙十年歲次癸卯五月甲子朔十五日戊寅學生迪功郎潭州  
益陽縣主簿邵朴謹以清酌庶羞之奠虔告于故宮使直閣郎中先  
生之靈嗚呼天之生賢者也世每患於不數幸間時而一生蚩蚩之  
眚得無望於先覺負戴紛如迷塗墮塙而遽奪之指南豈造物者之  
不仁而爲此天殛也哉昔者天下之旣嘗以言利而稔毒羣蛆蛆以  
甘帶戰觸蠻於兩角揭仁義而起頽風必有君子之正學孔氏以來  
百喙爭鳴傳之得其宗而粹然不駁邪說以息詖行以距人心以正  
蓋其道不止於私淑干載而下聖道晦蝕借玉匙而啟玄鑰德人孔  
嘉發其源於伊洛嗚呼我公之生負浩博正大之氣繇高明卓犖之  
識仁以爲己任挺挺獨紹於前作其在閨門雍雍穆穆道行衽席內  
外輯睦其在鄉閭恂恂粥粥徐行折枝遜順彌篤其在黨庠不猛而



肅致知格物鳶魚飛躍其在館閣是正實錄筆端江海涓流潘陸其在禮官謹司其局若緩而切從周郁郁其志存乎朝廷輾轉不忘於寤宿忠誠懇惻而惓惓若不足蓋其中皆格君之事業而見諸外者特太倉之一粟嗚呼世態灘矣人哆其華公守其樸人欺其明公謹其獨彼挾才銜智徒溺心於一偏一曲以經權爲異趣謂吾儒守正則優而應變則局不知智者行其所無事何啻數計而龜卜才全而德不形應羣響於虛谷故公之學以正心誠意爲根本陋計功謀利之習而泊然無欲置集獲視聽言動之微其誰望於高躅固爲己之當然初何意於矯俗瑩乎白璧之無瑕湛若秋波之澄綠挿日觀而眇八荒架脩梁而持厦屋以公之有志於斯世而天豈能無志於公胡爲發吾徒之私哭也地道上行經緯禮樂鳳鳴岐陽蓬艾咿喔位猶不稱其德矧驚一病之不藥養痾就閒可以獨樂顧迺左右經史析微昭惑忍孤此道於不續公之有志概可以見於斯何爲壽不醜其仁痛佳城之埋玉嗟予小子質魯無似自公發醢雞之覆天地之

純全若在吾日矣私欲之難克學力之不充抑不爲無志於江漢之  
濯洒以漆雕之未信而從子張之干祿捧檄湘濱疇昔之夜夢公如  
平生野服逍遙進而誨之以易卦之復嗚呼我生無良何以得此於  
公之精爽而愍此齷齪是猶欲洗童心之索而還其旣放之牧虜其  
生也榮不能朝夕函丈以究此道之孔卓其死也哀不能躬臨其穴  
以痛百夫之莫贖千里傳觴薦菲誠於一啻尙庶幾畏此簡書以無  
負於公之教育嗚呼公身雖亡猶有不亡者存痛哉吾徒之冥行而  
莫燭也伏惟尙饗

李中甫

維淳熙八年歲次辛丑某月某日門人李知微謹以清酌庶羞之奠  
敬祭于故直閣郎中先生呂公之靈嗚呼有盡之寄天壽同歸無窮  
之貽日星與垂我觀逝川靡停斯須砥柱中屹不與逝俱嗟若先生  
今也則亡系續聖緒微言孔彰五馬渡江衣冠遂東正獻之學則紫  
微公枕膝所傳更爲穎脫極其波瀾斥大迴闊泛觀博取上下千載

如駕駿駟過都歷塊士陋於學淳全莫窺返關固拒周以棘茨先生  
闢之四達其戶並指多歧獨表正路伊洛之滋我滌其源脈理交貫  
疏爲百川匯爲溟渤鬱爲雲煙散爲雨露彌滿八埏謂不時用厥用  
已大謂不時棄翰墨其細爰從博士紬書中祕朝廷之文僅以有遺  
傳詩三百私淑諸人曾未脫藁遽沒其身嗚呼哀哉卧病在家屋漏  
巷窮有來摳衣笑語從容盃飯盤蔬居易待終無傷於異無損於同  
胡費於天而天厥躬不愆遺一俾究聖功嗚呼哀哉知微早登師門  
見謂靜韻諉掖教誨垂二十年小大隨扣不扣則默坐運四時頽然  
莫測凝塵滿席孤燈斷編有欲者人無欲者天誓言卒業朝夕往踐  
書題見命盈幅璀璨云何不淑一逝莫返緘詞千里聊敘悲惋嗚呼  
哀哉尙饗

畫像贊

友人朱 熹

以一身而備四氣之和以一心而涵千古之祕推其有足以尊主而  
庇民出其餘足以立教而垂世然而狀貌不逾於中人衣冠不詭於

流俗迎之而不見其來隨之而莫睹其躡矧是丹青孰形心曲唯觀  
之者有以得其天焉則庶或遺編之可續





哀詩

金華陳良祐

家學相傳久天資自得高讀書如夙習授業更忘勞史筆追遷左詩編繼鄭毛淵源有如此沾丐及吾曹

講道東陽郡門生數百人從游傾里社忻慕滿朝紳仕宦淹難進聲名炯不泯伯牛有斯疾夫子亦悲辛

南澗翁韓元吉

青雲塗路本青氈聖學相期四十年臺閣久嗟君卧疾山林今嘆我華顛傷心二女同新穴拭目諸生續舊編斗酒無因相沃醕朔風西望涕潸然

朝請大夫主管成都府玉局觀孫憲文

公侯衮衮世多賢道學淵源見粹然隱几不忘當世事談經獨得聖人傳春容篇什西崑上煒燁聲名北斗邊天理難諶人莫贖忍看埋玉向新阡

宣教郎新知衢州江山縣主管勸農公事邵浩

三相流風遠諸孫氣貌舒有文皆錦繡不琢自璠璣樂育心無類何  
言意已據摳衣多戶履四海讀公書

道統傳千載儒風振一時心誠師孔孟業廣慕臯夔感鳳方興歎書  
麟尙措辭一朝梁木壞吾黨可勝悲

持服徐安國

師友曾亡幾南軒足舊聞嚴忻請益荆渚黯臨分慟哭情方切招  
魂志愈勤幡然均地下應與共修文

感涕門闌舊由來豈苟然茶山參活法婺女拾殘編記錄書猶在忘  
言意已傳續燈身後事先是有同年

魯國唐季度

多士將安放先生今則亡正宗傳道德餘事見文章遽作兩楹夢空  
遺百世芳哲人胡不壽天理竟難量

交友昔嘗與真誠久愈孚公雖推齒序我實仰師模提耳言猶在終

身誓不渝神馳埋玉處慟哭向長途

魯國唐季淵

方振河汾業云胡不假年斯文今已喪此道後誰傳祕館藏新史門人緝舊編未明脩短理昂首問蒼天

憶昔精藍舍提撕意頗濃笑談猶在耳趨步遽無蹤萬里悲風翻中宵寤歲龍百身嗟莫贖涕淚灑寒松

門生朝奉郎權發遣江南東路提點刑獄公事趙燁

道統誰傳授源流易失真滔滔皆四海疊疊獨斯人業履羣經粹詞華一世新可嗟天不憖難贖百年身  
近接南軒訃公今事亦休彫零數耆舊牢落一山丘吾道將窮矣蒼天可問不雙溪樓下水應共哭聲流

門人金華邵津

德厚感易極學成功未施彼蒼胡用問吾黨竟誰資道在漫今昨人間忽喜悲百年總埋玉千古敬豐碑



門人鞏豐

明道東萊先生之葬豐既爲文以侑奠所以尊道德述行藏之意雖略備于詞而悃悃繾綣之私有未盡究者豐自弱冠卽獲拜先生於山林追數門人莫如豐舊己丑庚寅之歲先生遲次金華分教嚴瀨已而校讎道山豐皆獲裹糧負笈以從如是者數年齒壯而家甚貧遂迫於課試月書季攷往來庠序歲時逝於水陸自是亦寢疏於函丈矣今年秋九月始以上舍生第進士幸無舉子累可以竊數年之暇終事先生於寂寞之濱而九原不可作未知幾流涕痛哭長太息而可以伸此恨也乃依唐人張籍祭吏部昌黎韓公之義賦古風一章其聲韻名數如之庶幾寫豐之悲而補文人之所不及焉其詩曰

嗚呼呂夫子天姿素顛昂文獻紹家學刻意稽虞唐看書眼如月洞照所未詳雲霧養豹質彝尊琢龍章椎鋒裹頭歲躡足遊四方取友半楚越篤志日自強著眼囂塵上口不掛舌臧堅車遵大路驂轡多

王良筆陣萬人敵嚴嚴亞夫營既壯道愈焯維斗揭太常朝路閱時  
變有意夫明昌嗚呼命非耶一病俄殂喪百年能幾見痛在予衷腸  
恭惟經濟學日就而月將便便五經笥笑視古錦囊訂史參理亂一  
一堪施行聖伏道絕塞繫我爲發明無心著師說獨遜時輩聲盤礴  
九雲夢曾次莫與京爐煙對姬孔脫落翰墨場耳目所纂緝如春之  
發生退然避時譽歛衽不肯當居憂寄蕭寺舉俗載其名戶外履常  
滿攝齊願升堂樹陰敷書戶靜對書一牀是中亦何有乃獨不可量  
吾則不爾拒歲寒冰相望嗟豐幼甚愚聖讀初濫觴先生與之進聞  
見昔未嘗握衣莫我舊歲籥今幾更山林有陳迹尙想曳杖聲精衷  
無渝泐氣序有翁張俛仰十數載淹留竟奚成羣趨競場屋意氣無  
激揚荏苒去函丈有愧弟子行冊府羅鷺羽尋拜尙書郎明堂資眾  
木待公舉脩梁豐時遊庠序門牆邇康莊偕我二三子振袂時騫翔  
黃塵烏帽底自覺神觀清每伺趨局暇進揖班馬香先生爲醺酢講  
貫忘暄涼於時萃英髦王路均且平蘇醒憂國病醕酌鑒古情門外

有過轍頗怪來往并再歲感未疾長江理歸根江濱多送客飛蓋驚  
鳧鷁走實厭眾味食魚必河魴豈其嗜野蔌而置稌與稭敬願持此  
心不厭道阻長及歸供灑埽藥餌常侍旁庶幾乘一炬上接星宿芒  
師門謝賓客童穉亦嘆驚唯有舊學徒尙俾承餘光神閑造冲邈氣  
定絕慨慷嘯傲羲皇上稅駕無何鄉今歲二月中豐入須女城牀下  
拜龐老城隅有幽坊維時春氣和天宇新霽晴先生呼我俱緩步臨  
前楹露菊擢翠羽風篁韻繁箏畫坐欣至夕話盡一再更誨言皆砭  
石易知復難忘委曲到肝鬲如啜黃昏湯出門九徘徊三復心遑遑  
提撕不予弃感切涕泗橫先世有遺書故墟有山房尙冀疾有間挈  
領提其綱敢以學爲嬉坐使素業荒誓當服明訓爲衣不爲裳筆著  
將脫藁後生有憲章家傳人誦之豈但師張程研精固有造棲遲詎  
無成嗚呼寢門慟茲禍誰使今天高不可訴仰視空茫茫枯琴在東  
壁遺履陳西廂未續千古淚桂魄三闕盈慨昔身健日浮言多謗傷  
黃鐘自疏越鄭衛徒錚錚事定蓋棺了玄黃闕青箱堂堂那復見薄

奠攄寸誠斯文儻有繼師道其張皇矢志薦明燭精爽庶歆饗

壬寅仲秋二十有五日門人徐暄哭東萊先生之墓

缺月疏星夜已闌風淒露重逼人寒郵亭破曉經行處不似今朝酷  
鼻酸

庚子秋中憶請違先生溫語扣還期去年匍匐雙溪路迨似當年失  
母時

先生墓木已成陰霽月光風何處尋只有遺言常炯炯誓將白首契  
初心

四海瞻依一偉人丘封業業木森森仰天慟哭悲風起舉世中和孰  
嗣音

門人康文虎

中興以後誰堪數名滿東南震昔賢舊論當時存喘息微波今日塞  
天淵承平格力回全盛人物風流繼往年太息何人知所自此心時  
復一潸然



國尙有人悲此老天其喪我泣吾曹平生心是知誰與悵望今人論  
太高便欲卑心隨故步豈期中路喪連鰲先生已死吾何望舉眼猶  
知有鳳毛

門人迪功郎陳孔碩

北望非吾土南來獨此翁孔顏當日意杞宋百年風與物陽春闕隨  
形鏡影空吾儕竟何罪斯道合成窮  
語絕香奩壞人非鐵磬存罷官空數日挾策與誰論文室塵埃亂層  
城草木昏寸心無訴處號絕向令原

門下士黃人傑

夫子來天上儒宗第一人英材歸樂育聖學發沈湮正路方資闢澆  
風未及醇斯文何遽喪詩筆絕生民

先生解詩方及生民  
之首章奄然歸真

盛德光華闕高風動九垓羣英傾斗仰一旦駭山頽吾道無綱紐熙  
朝乏鼎梅明招涵夜月忍聽曉猿哀

天意高難問胡爲奪巨賢後生安取正聖道不容傳感意悲風木傷

心慘暮煙翩翩丹旆去徒有淚潸然

憶昨飄零日徒爲梁父吟一時辱輕信千里示佳音方講門人禮蒙  
嘉國士臨一朝遽千古難報見知心

萍迹來京闕逾涯辱意隆劇談銷客氣終月坐春風豈謂十旬別

月十九日別先生至秋七月二十九日先生沒恰一百日俄成干歲終哀哉不復見天闊恨無窮

巖州學生宋天則

含孕天資粹稽參學力深躬純君子行道會聖人心形見溫於玉持  
存勁愈金斯文方有賴蚤作遽聞音

世選仍收第詞科復處優賢關資善教東觀邁英遊史筆精刊繫文  
編極簡摻家居期間董豈料病無瘳

設心何正大所樂得羣英文妙雲龍變經談日月明精脩無間斷小  
大各圓成長育恩難報攀號自失聲

麗澤南軒聚俱曾辱異知顛蒙初自釋誘掖信吾斯雖歎行窩寂猶  
虧築室思祗同二三子許學莫能移

金華邵度

雨化三吳士風行萬古書石渠功不細鳳閣位方虛梁木何摧地泉臺欲駕輿來觀自燕者頑懦亦欷歔

王石明曾次風雲在筆端教常先慷慨門不弃蹒跚籍湜疑培埴房陳似羽翰中興依日月遺象聖王歎

岐嶷稱前輩淵源便老成及門多兌說在寢已蒙亨麟筆空遺恨箋詩正用情誰知兩楹夢湖海哭諸生

鼻祖雍熙政三傳壽國醫至今稱巨室有子號宗師白璧埋黃壤朱門罷素絲自今邦君無問政之所矣脊令臨祖道無計駐靈輒

名士聞風起英聲逐電飛卜鄰譙子至天授學家隨伊川先生閑道洛人依洛人

化伊川教十餘家不用浮屠見于文字者有七分之心繪于丹青者有七分共歎斯人疾何心入揖歸七分書策在張釋祭伊川云先生有言之儀七分之儀固不可益七分之心猶或可推馬鬣向斜暉

鼓篋膠庠日公方屬外艱振衣天不遇攻玉理應難問我好何學逢人察所安由今無拂士孤陋入心酸

門人孟行古

道學方勤績亨途漸致身蒼天傾我淚今日喪斯人弟子羣經富先  
生一語真發揮餘事業何處不書紳

義路資開拓愀然驚莫亡吾儕自如失夫子獨何傷往日知禮茂逢

人傲子方哭君心欲折迴立向蒼蒼行古上公書有禮明之言發於堂下赴子產也公屢歎以為善

用事

門人揚誠之

德性天然具文章少已工淳明范太史簡澹小申公聖學驪珠貫人

材水鏡空膏車輕萬里垂發哭途窮

字量諸公上聲名一世宗平生無一愧度外有兼容綆斷一尋井蘿

枯百尺松紛紛湖海士末路更誰從

久屬蒼生望温然兩玉人長沙纔賦鵬絕筆遽傷麟時南軒逝告未幾而公下世

自牖無遺納遭時有未信萬牛回首處深谷卧輪囷

共惜堂堂去真成種種休中原渺歸計清洛更東流鍛鍊言猶在從



容志未酬何心誦遺草有路慟西州

門人孫應時

慟哭斯文禍蒼茫可問天百年曾未半千載忍無傳梁木誰扶厦狂  
瀾莫障川吞聲言不忍有淚徹重泉  
往歲風雲接重霄日月開奏篇聞歎息造膝諗圖回延閣緣優病鋒  
車又趣來共惟天子聖殄瘁豈無哀  
文獻承家大規撫與世公典刑知任重襟度約時中六合清淳氣諸  
儒輔翼功生賢竟何意霜雹實春風  
蟠際涵三極精微破一毫百川滄海受五嶽眾山高退託初何有聲  
名肯自豪何人傷日月用力已徒勞  
昨歲荊州訃江流恨未平天乎今後學今又哭先生剝落真如此扶  
持豈易成河汾遺禮樂誰慰九原情  
鏡曲重攜杖京都再及門詩書闕梗槩耳目竟煩昏悒悵身何極蹉  
跎意獨存長途風雨晦十駕蹇追奔

附錄拾遺

續金華叢書

祠堂記

乾道淳熙間儒風日盛晦菴朱公在閩南軒張公在楚而東萊呂公講道婺女是時以學問著述爲人師表者相望惟三先生天下共尊仰之而婺人被東萊之教尤深至今名士班班其傳蓋未艾也先生爲文靖公之七世孫自正獻公而下名德繼起又爲文清會公之外孫淵源固已甚遠而天資絕人讀書五行俱下少從三山林公之奇游學徒百數卓然出其上博極羣書究通千古興亡治亂之變而耽嗜經學至忘寢食季二十有七省試既在前列又中博學宏詞科聲名震于都城鑰旣忝同登復媿齊季意其爲豪俊之士一日相遇則頽然似不能言者殊不稱其名與之坐而敏焉不惟使人意消欽嘆擊服雖定交於是日終不敢以友友也公入館學鑰在敕局又鄰居於百官宅聽教爲多亦嘗造婺之寓居留連夜話幾至達旦又六季而再造焉則公已病矣嘗爲之嘆息曰少爲國器長爲人師使居大

位則必稱物平施庶幾乎直道之行也而公已矣世間萬物自書之外無一可動其心者推明道德性命之說而不流於迂盡排佛老異端之論而不至於甚愛惜士友如待子姓而持論不阿別白是否如持水鏡而不專於察著書立言粹然一出於正而克勤小物雖使之仕於州縣亦甘心焉蓋其造詣精深本末具舉用志不分必欲至於聖賢闡域沛乎不見其止也其教人則以孝弟忠信爲先以窮經躬行爲務故登其門者隨其性質咸有得焉自建炎南渡父祖始寓於婺假官屋以居其地在光孝觀之側入仕雖久而在官之日僅四季故在婺之日最多四方學者幾於雲集橫經受業皆在於此晚始買屋於城之北隅以舊居歸之官公之亡既二十有七載是爲開禧之三季邦之士夫及其門人請於郡欲以舊居之半爲堂以祠先生郡侯諫議李公大異慨然從之又出錢五十萬屬掌書記宣君繪經理其事前增城主簿潘君頤孫實董斯役郡寮及其門入合力以佐費庀工之初相率持牛酒以犒焉嘉定改元之秋爲屋纔十餘楹外門

王間祠室及前軒各三間又欲前爲一堂扁以麗澤書院以存公之  
舊且爲後來講習之地後爲遺書閣以庋平日所著如大事記讀詩  
記閩範近思錄春秋尙書講義家法祭禮及它書之未成者皆可以  
傳遠垂後而工費猶未備國子司業王公介與其同門友生謁記于  
鑰感念疇昔自以宦游不得日陪函丈亦不謂公之蚤歿也老矣公  
之墓木拱矣雖欲一拜祠下而不可得遂不復辭而書其始末將使  
吾黨之士自今瞻先生之像如在左右毋忘先生之淑諸人者以自  
勉且思有以稱賢使君所以風厲振起之意則先生之傳寧有旣乎  
先生諱祖謙字伯恭其季曰祖儉字子約確守素業能世其家頃以  
忠憤上書貶死江右主上更化念其困于權倖之手贈直祕閣澤一  
子學術操行亞于先生恐久而泯沒敢率聯書之

下闕

都之禮殿雅樸無華巡鄉黨之阼階等威有度迺涓  
令日載舉修梁輒依六偉之聲用相百夫之役



兒郎偉拋梁東自昔牆隣老子宮門外一株文杏樹依然猶是魯壇

紅

兒郎偉拋梁西麗澤平寬下有蹊嚴光祠下交杯水衮衮同輪不盡  
溪

兒郎偉拋梁南疊嶂如屏擁屋端當年寄傲陶窗下凜凜清風六月  
寒

兒郎偉拋梁北屋後參差萬竿竹遺書尊閣在高樓付與侯芭十年  
讀

兒郎偉拋梁上神物護持安用壯丹楹刻栢廟多文未識此堂直實  
相

兒郎偉拋梁下石砌苔堦勤掃灑遶道懂懂日往來過者猶應先下  
馬

伏願上梁以後家庭靜吉鄉園平康凡我友朋共持門戶樂天知命  
視富貴如浮雲蹈矩循規坐兢虛爲席薦庶斯堂之不朽而吾道之

尤光常肅齋房永庇俎豆拜丹青之肖象儼如函丈之前聞金石之餘音豈計百年之後

祠堂奉安州郡祭文

維嘉定二年歲次己巳十二月辛酉朔二十四日甲申揚州觀察使知婺州軍州事兼管內勸農使趙善下帥僚屬郡學諸生謹以清酌庶羞之奠致祭于東萊先生太史呂公之靈嗚呼聖學之傳惟曾與軻代亦不乏或疵或訛千載而下獨我伊洛洪鐘大鏞更奏迭作中罹世變五六十其徒喪淪寂寥靡傳南軒俶憫衰然爲倡東萊晦庵鼎峙相望惟三先生相與磋切扶偏黜異表裏洞徹于是東萊講學雙溪執經問道士如雲來或涉其瀾或窺其室心傳口授隨各有得既授以口復紀于篇流行天下咸宗其言名位匪充匪其所慕困厄窮躓匪其所慮馳騁上下博極羣書議論文章皆其緒餘翊經扶教厥功獨偉人亡書存澤流罔既功偉澤流祀胡不宜搢紳學士于其尸之乃卽故居復徹而廬象于是設言于是儲惟時名卿大書深



直齋書錄解題載東萊呂太史文集十五卷別集十六卷外集五卷  
坳錄三卷凡三十九卷而宋樓所藏宋本有拾遺一卷凡四十卷與  
四庫卷數同惟第九卷闕鎮海謝廣文曾以影寫本見貽鈔胥不精  
讀之多訛久之由傅沅叔先生處借得宋刊足本惜葉數有鈔配篇  
中漫漶處描寫又多訛舛今以兩本互相參校十得八九余撰校勘  
記坳後又按清雍正間東陽王鶴潭氏得蘭溪葉自合鈔本編成遺  
集刻之卷數有羸雜篇名有更改先君子覓足本未得先以遺集付  
梓庭訓時曾屢及之今重刊四十卷本庶以慰在天之靈云季樵胡  
宗楸



宗

神國編制會通文之合重氏四十卷本私以爆亦天之靈云季謝時  
 與以之卷煖育編錄欲各首更如武保千貨虽本未器武以嚴某什  
 情世翁又姓謝讓五問東國王餅鄂凡器蘭策來自合檢本歸如貴  
 中變流與謝高又委指抄今以兩本豆麻寒林十器八以余辨林財  
 論之參清人之由謝而外武主與徐學宋氏虽本曾樂樓育檢頭論  
 川風空樓同謝余以卷圖驗然博魂文會以級寫本只誰檢晉不嫩  
 法與二卷五三十八卷而來對頂燕末本曾併置一卷以四十卷以  
 百餘音餘編為譯東來日大又文集十五卷開其十六卷以集正卷

東萊呂太史文集考異

永康後學胡宗楸季樵纂

卷第一

春日七首

柳陰小艇無人管自送流花下別溪

宋本注云一云歸時須趁春光淺待得春深意卻迷

便是東皇第一功

東萊先生遺集本東皇作春光

晚春二首

惟有蒼官與此君

遺集蒼官作蒼松

遊絲

倚賴微風故故長

遺集倚作依

夏日

階前水樂元無譜

遺集樂作聲非

鄭武子刪定挽章二首

簾下得嚴君

注京師賢者多市隱惟公編識之公所從受太玄乃得之於日者宋本漫憶寫者誤作京師賢者多市井中

物識之  
云云

陳庭堅聘君挽章二首

朱簾豹隱雨

宋本簾字漫漶  
摹寫者誤作庭

白馬虎谿風

註內先隴在焉公數臨弔入字宋本字迷  
漫漶摹寫者誤作先祖在與公數往來

東陽郭彥明挽章

傳家箴軸書盈幄

註云幄  
一作屋

王龜齡詹事挽章二首

三哭萬夫雄

哭一  
作泣

孤憤壓羣咻

壓一  
作厭

送丘宗卿博士出守嘉禾

況此能言民

遺集此  
作復

祭酒芮公既歿四年門人呂某始以十詩哭之

萬人蟻聚撥難開

遺集此  
作不

周堯夫主管挽章

四庫本堯  
作正非

宋東野學士宗林李詩集

楊信伯郎中挽章

零落獨無痕遺集痕

北去先移棹遺集移

蘇仁仲計議挽章二首

異同已矣從誰判註云判一作辨

向運使挽章

戟衣翻戶遺集翻戶作翻石非

題劉氏綠映亭二首遺集劉作初

鷺浴魚跳在鏡屏遺集跳作潛

送喻叔奇通判會稽

所至風月相獻酬遺集獻作唱

與同館游張氏園

及此三餘日遺集餘作飲非

送胡子遠著作知漢州



於世初無營遺集於

窺簷渚鴻鳴遺集簷

薛叔雲左史母方夫人挽章遺集史作使母下無方字

卷第二

代舅曾史君知筠州謝表

凡拜賜於朱幡遺集拜作席非

代舅曾史君知廣德軍謝表

總方維而受職遺集總作繼非

代倉部知吉州謝表

識眚責重遺集責作職

或附資於塵露遺集露作俗非

為梁參政作辭郊恩表

誠悃雖殫遺集雖作難

為芮直講作慶王辭增邑表

但私臨照

庫本臨照作眷注

苟私惠之不行

庫本惠作意非

為芮直講作慶王生皇孫錫名謝太上皇后

賤遺集作再為慶王謝太上皇后

賤

代宰臣以下賀車駕幸祕書省表

思中興儲養之有原

遺集興作典非

進所編文海賜銀絹謝表

四庫本無此篇

徒慙稽古之榮臣無任

遺集無臣無任三字

淳熙四年輪對劄子二首

厥今虜勢陸梁

遺集虜勢作寇敵非

中兩科謝主司啟

揣已初無於一可

遺集於作其

自慙道降質衰

遺集降作喪

與諸生而從鄉賦

遺集賦作試是今改

章句謏聞遺集謏  
作諛非

通柳巖州啟

流冗今極遺集冗  
作沈非

方私家食之安遺集私  
作思

歷夷險以不渝遺集以  
作而

通潘氏定婚啟

某人少儀未習遺集無  
人字

某人婦禮既閑遺集無  
人字

代右司叔父答李氏定婚啟

某人英妙之稱發聞惟舊遺集無人  
字聞作聲

卷第六

台州修城記

肉薄欲登遺集肉  
作內非

甃陲徑踰遺集陲  
作弛非

閒民願卽工者遺集卽作積非

秀州陸宣公祠堂記

呂侯正已遺集呂作吳

從祖父楊帥真贊

兩鬢憂邊先白遺集鬢作髻

申許衣冠盛事註云申許一作汝頰

卷第七

書校本伊川先生易傳後

乃取刊諸學官遺集官作宮

代宰臣史浩等恭書御製秋日幸祕書省近體詩下方

宵旰萬幾遺集幾作微

宴豫虞樂之奉遺集奉作舉

九月辛酉朔遺集作辛酉朔

題伯祖紫微翁與曾信道手簡後



僮僕能言

遺集言  
作書

曾益父喪父輩

宋本字迹漫漶遺  
集作曾信道輩

書所定古周易十二篇後

而其刊補離合之際

遺集補  
作本

卷第八

祭林宗丞文

自詭以必可至

遺集詭  
作謂

卷第十

湯教授母潘夫人墓誌銘

奏甘霖

遺集霖  
作脆

於是承務君沒五年矣

遺集君  
作郎

薛常州墓誌銘

所見疏快軒割

按割疑割  
之誤今改

卷第十一

金華汪仲儀母王氏墓誌銘

汝曹第專意經史遺集第

曾祖本贈宣教郎遺集宣

次適時伯茂遺集茂

淳安盧君墓誌銘

葬於縣之翰林邨遺集縣

卷第十二

邢邦用墓誌銘

初娶和氏遺集和

爲叔父世元後遺集無

壻斯竈兮遺集壻

卷第十三

宋郴州墓誌銘遺集郴

牲林角立宋本牲字漫漶

堦蔣端益遺集端作瑞

卷第十四

東萊公家傳

尚書左僕射遺集左作右

明夜治文書按宋本此策係配策作明夜疑日夜之誤今改

綾錦院遺集作錦綾院

至坎宮垣遺集宮作宣非

后雖不克復遺集克作竟

車駕既未還遺集駕作馬非

皆宮省久吏遺集宮作官非

祖宗積德甚厚庫本厚字上有公日二字

程侍郎振安給事扶以括責金帛遺集無給事扶三字

即浮屠老子祠祈祥遺集祥作保

卷第十五

入越錄

露稻風葉遺集稻作道非

陰風薄寒遺集寒作霧

皆前日初至所歷也歿茶道寧堂不甚高大位置頗穩宋本也字下空白十

二字今据宋末修本補入遺集也字下僅居頗穩慙四字

丁茂才遺集才作丁

自寺橋直道遺集寺作前

水中為礮水中二字宋本漫漶摹寫者作琢石遺集作水中

蓋漢未鑿湖前冢墓也遺集冢作古

暮泊口成觀宋本泊字下漫漶摹寫者作告字

宿於明遠堂下小室十五日晨謁大禹祠宋本室下有此八字遺集無

入閩錄

二十七日左右皆童山榛茅極目庫本作左右皆榛茅無樹林

自此路皆並溪時有佳處庫本確溪下無此十字



見福州士人潘子嘉

庫本子嘉下有是日  
早小雨已後晴八字

二十八日五里相亭

庫本亭下有自此路皆  
並溪時有佳處十字

非嶺也

庫本非嶺也上關  
四百二十六字

東萊呂太史別集考異

永康後學胡宗楸季樵纂

卷第三

葬儀筮宅

執事者布筮席於兆南北向下空白十七字

温公書儀無空白

卜日

考降無有悔

書儀有下有近字

啟殯

執事者惟其聽事注無宿於庭者又庭中難施哭位

書儀宿作祖無又庭中三字

主人及眾主人韞杖立視啟殯注天子諸侯之杖不入廟門

書儀作天子諸

侯之子杖不入公門

埽地潔之祝以功布拂去棺上塵覆以袂衾註故置於靈座前

書儀前作

側

朝祖

役者入婦人退避主人及眾主人輯杖書儀無及眾主人輯杖六字

陳器次大饗按語

降黃黑也按降疑當作絳今改

若索車登高索字按禮記註當作牽今改

遣奠

饗夫納大饗於聽事前中庭注以新索書儀索作繩

祝奉魂帛升靈舁焚香注少頃腰輿書儀輿下有出詣靈車後少頃輿入字

及墓

饗夫置柩於席上北首書儀無首字

虞祭

執事者設盥盆帨巾各二於西階西東南上注帨手巾也其東盆有

臺架在盆北主人以下親戚所盥也其西無臺架執事者所盥也書儀

作東盆有臺帨巾有架在盆北主人以下親戚所盥也其西無臺架執事者所盥也三十一字皆正文

餘皆如初獻之儀注酌酒酌尸書儀無酒字

祝取魂帛帥執事者埋於屏處絜地注故既虞有主亦埋之書儀無既字

遇柔日再虞注丁日葬巳日再虞書儀葬下有則字

又注即三虞又遇剛日即卒哭凡甲丙戊庚壬為剛日書儀作即卒

剛日即凡甲丙戊庚壬為剛日

### 虞祭按語

雖舉潔特嘉薦普淖等名按特疑當作牲合改

### 卒哭

共不過十五品注各得數品可也書儀各得作不拘

既啟門祝立於西階上注今具饌如時祭書儀無今具饌時祭五字

### 祔

卒哭之來日祔於曾祖考注妣則祔於曾祖妣書儀作此則祔於曾祖六字

內外夙興注女子祔於王母不配注配謂并祭王母書儀作女子祔於王母則不配

注謂若祭王母

王母



設承祠版卓子於西方書儀無祠字

設玄酒瓶盞注卓子於東方書儀酒下有酒字

少退立祝執詞出主人之左書儀執作奉

祝畢降復位書儀作祝與降位

祝告啟門三乃啟門書儀乃作及

陳設

又設盥盆帨巾無臺架者於其東注設篚於洗西南書儀南下有肆開元禮做此又

云贊禮者引主人請盥洗十七字

卷第七

與汪端明

政政曲加誘掖按政下政字當作賴今改

此實先生長者之任也遺集無此字

恭聞入覲遺集覲作對

皆無在侍郎丈右者遺集無皆字

治疊當已就緒遺集治疊作諸事

儻示以端續按續字疑當作緒

志意摧落遺集作形神摧落

伊川唁富鄭公書遺集鄭作靖

望蚤示下遺集作望早付示

與曾大卿

往見三八舅亡遺集亡作云是今改

與朱侍講第二則

亦幸垂喻遺集凡喻皆作諭

婺州易傳已畢工遺集畢作成

第五則

動止支福遺集支作萬是今改

晦叔必常相聚遺集聚作敘

第十九則

久已納去已到否宋本闕此七字今補

第二十則

然漸覺少向來口口揣摩之失遺集來下不缺文

第二十二則

令嗣自當寄程遺集程作呈是今改

令鈹木也遺集木作本

第二十三則

令嗣在此讀書漸有緒遺集緒作序

第二十五則

亦只得靜待順聽遺集聽作體

第三十則

且留叔度遺集度下有處字

第三十四則

行且半歲遺集歲作載

切須隨宜肉食以自輔養也遺集隨宜作稍

卷第九

與周丞相第六則

使得極意講磨遺集極意作一意

第七則

徧游天台鴈蕩遺集蕩作宕

得付的便遺集付作附

第十三則

暫均勞佚遺集暫均作均共

卷第十

與陳君舉第三則

明于本分條理遺集理作路

第四則

持身而戒防範而踰遺集而踰作之踰是今改



第五則

便張王不可翦截遺集王作皇

與陳同甫第七則

甚安隱遺集隱作穩

第九則

麤經遺集經作經是今改

第十一則

不知系於何處豈三下宋本闕二頁計四十行今據詔宋樓藏本鈔補十六行仍闕二十四行又外集拾遺所列尺牘與陳同甫第四則第八則多重出

答潘叔度第二則

夾註溫公書儀大略皆善熟看為佳下宋本有己祝仲益蘊則子先頴叔及小舍弟共討論禮數矣二十大字按祝字疑係屬字之誤此二十字或係他處所脫誤屢入此

與邢邦用

某自春末遺集末作來

與學者及諸弟第四則

純口所問第口專心致志宋本配頁純下作去第下作則遺集無純口所問第口六字

第二則

雖在顏子分上遺集雖下有是字

第三則

寬而有閑遺集閑作間

與王樞使按目錄與王樞使有三則宋本祇二則按第一則某官云云似當自為一則

與虞丞相

其抵譴訶宋本訶作何

卷第十二

讀易紀聞第五十四則

外則人共指日按日疑目之誤

已丑課程

世婦每宮卿二人下士四人

按周禮作下大夫四人  
宋本作下士四人

天府掌藏寶鎮而官府鄉州鄙之治中與賢能之書

按周禮無與賢能之書五字

大有九五

按易當作六五

卷第十三

辨史記十篇有錄無書

按其四一段後有未者也四字衍應刪

卷第十五

讀漢史手筆第一則

兄子況

按況當作况今改

第十七則

每至直更過數

按漢書過數當作數過今改

第二十七則

張敞聞杜延年用刑刻急

按漢書杜延年當作嚴延年今改

第三十二則

爲治者不至多言按漢書至當  
作任今改

第四十三則

禹數其子按漢書當作禹數  
視其小子今改

第五十六則

士卒賜直十萬按漢書十當  
作四今改

第六十二則

極欲十日按漢書欲當  
作飲今改



謝禮十日

非禮合也  
禮者禮也

第六十二頌

士卒顯而十萬

非禮合也  
禮者禮也

第六十六頌

禹禊其子

非禮合也  
禮者禮也

第六十三頌

蘇武青不至逐言

非禮合也  
禮者禮也

東萊呂太史集附錄考異

永康後學胡宗楸季樵纂

第一卷

年譜

口時公生

庫本作亥時公生

曠記

二月十七日生

按年譜二月當作三月今改

第三卷

祭文高元晦等

有若此肩

按此當作比今改